

## [Timor-Leste Ministry of Finance](#)

### **“Ministeriu Finansas distribui Tetu Fiskal Orsamentu Jeral Estadu 2019 ba Linha Ministeriu, Servisu Fundu Autonomas, Munisipais no Instituisaun Estadu hotu”**



Ohin dia, 25 Setembru 2018 Ministeriu Finansas konvoka sesaun trabalhu metade dia ho objetivu atu halo dizeminaisaun kona-ba Prosesu no Prosedimentu preparasaun OJE 2019 no halo Distribuisaun Tetu disagregadu ba Linha Ministeriu, Servisu Fundu Autonomas, Munisipais no Instituisaun Estadu hotu. Distribuisaun Tetu disagregadu nee halo tuir dezisaun Konsellu Ministrus iha dia 21 Setembru 2018 ne'ebe aprova ona tetu fiscal agregadu ho motante \$ 1,350,000,000 (la - inklui Imprestimu) hodi finansia despezas Estadu iha tinan 2019 ho Distribuisaun tuir kategoria :

- 1) Salariu Vensimentu aloka hamutuk \$199.57 miloens
- 2) Bens Servisus aloka hamutuk \$305.2 miloens inklui FDCH
- 3) Tranferensias Publikas aloka hamutuk \$622.36 miloens
- 4) Kapital Minior aloka hamutuk \$4 miloens no restu aloka ba
- 5) Kapital Desenvolvementu hamutuk \$218.87 miloens \*)
- 6). Iha tinan 2019 aloka mos montante balun ba Kapital Desenvolvementu - Emprestito hamutuk \$87.0 miloens

Husi distribuisaun tetu disagregadu idane'e Linha Ministeriu, Servisu Fundu Autonomas, Munisipais no Instituisaun Estadu hotu sei halo diskusaun interna hodi re-aloka ba programa no atividade prioridades iha tinan 2019 hanesan a). Hasa'e produsaun agrikula hodi hametin seguransa aihan no hamenus malnutrisaun. b). Promove edukasaun no formasaun inklusivu ho kualidade no orientadu ba merkadu, c). Hametin servisu saude ne'ebe kualidade no inklusivu hodi - continua programa saude na familia, d). Dezenvolve infraestruturas basikas ba: Be'e mos (agua potavel) no sanemanentu, estradas (nasiona no rurais), eletrisidade, telekomunikasaun (fibra optika), portu no aeroportu, e). Hemetin instituisoens ba desentralizasaun administrative, f). Promove dezenvolvementu setor turismu, g). Promove ambiente negosiu hodi haburas investimentu setor privadu .

Linha Ministeriu, Servisu Fundu Autonomas, Munisipais no Instituisaun Estadu hotu ho kalendaru ne'ebe aprova ona husi Konsellu Ministrus sei submete proposta orsamentu hamutuk ho Planu Asaun Annual mai Ministeriu Finansas no UPMA- GPM iha dia 12 Outubru 2018 hodi bele halo analize klean kona ba lojika no rasionalizasaun ba programa no despezas husi kada orgaun Governmental.

Hodi bele asegura alinhamentu orsamentu no programa no determinasaun prioridades iha tinan 2019, Governu sei estabete Komite Revizaun Politika hodi halo diskusaun fundamentu ba proposta orsamentu no programa ba setores save sira nune'e bele promove diak liu tan rasionalizasaun no kualidade Orsamentu Jeral Estadu tinan 2019.

Remata.